

Powšitkowne WOZJEWJENJA

njedźelu, 25. julija 2010

Hudźbny nyšpor w Róžeńće

Wěriwi ze wšitkich wosadow su tutu njedźelu, 25. julija, w 17 hodź. do Róžanta na hudźbny nyšpor přeprošeni. Jón wuhotuje organist Matthias Bjeńš z Rakec, kotryž skutkuje jako kantor w Hamburgu-Eimsbüttelu. Na piščelach zahraje wón twórby Buxdehudeho, Bacha a Regera. Přichodnu njedźelu, 1. awgusta, budže nyšpor w Róžeńće hižo w 14 hodź.

Z busom do Krupki kemši

Na Božu mšu srjedu, 28. julija, w 10 hodź. w Krupce pojedže tež lětsa bus. Štóz chce tam sobu jěć, njech přizjewi so pola Šmitec wozydłownistwa w Radworju, telefonowe čisło (03 59 35) 28 60.

Swjata spowědź w Róžeńće

Wšitcy, kotřiž chcedža porciunkulski wotpusk zdobyć, maja mjez druhim w Róžeńće składnosć, přichodnu sobotu, 31. julija, wot 17 do 18 hodź. sakrament swjateje spowědže přijěć. Spowědnicy su pater Irenäus Krause, fararjo Beno Šořta, Michał Anders a Gabriš Nawka.

Pišćelowy koncert Serba w Filipovje

Z Baćonja pochodzacy a w Berlinje skutkowacy kantor a organist Tomaš Žur wuhotuje njedźelu, 8. awgusta, w 14 hodź. piščelowy koncert w cyrkwi w Filipovje. Wšitcy zajimcy tež z Łužicy su wutrobnje přeprošeni.

Via Regia woła

Towarstwo Cyrila a Metoda z.t. a Chróšćanska wosada přeprašujetej na předstajenje noweje dźiwadłoweje hry pod hołym njebjom „Via regia woła”. Spisałoj staj ju Jurij Špitank a Pětr Zahrodnik k 1.000. narodninam biskopa Bena, japoštoła Serbow. 180 lajskich wumělcow předstaji hru sobotu, 14. awgusta, w 20 hodź.; njedźelu, 15. awgusta, w 20 hodź.; sobotu, 21. awgusta, w 20 hodź.; njedźelu, 22. awgusta, w 16.30 hodź. kaž tež w 20 hodź. Wšitke předstajenja su w serbskej rěči na farskej łuce w Chróšćicach. Němskim přihladowarjam poskići so simultany přeložk ze słuchatkami. Zastup plaći sydom eurow za dorosćenych, štyri eura za młodostnych a dwaj euraj za dźěći.

Zetkanje Serbow w Bayerskej

Serbja, kotřiž w Bayerskej bydla abo dźělaja, su na přenje zetkanje srjedu, 6. oktobra, w Unterschleißheimje přeprošeni. Kemše w serbskej rěči změje farar Gabriš Nawka w 20 hodź. w cyrkwi swjateho Ulricha. Hižo do kemši wot 19 hodź. su wšitcy na serbsku bjesadu witani. Štóz ma zajim, dalšich w Bayerskej bydlych abo dźělacych zeznać, njech přizjewi so telefonisce pola Andreje Buchholzoweje pod (0 89) 31 60 58 92 abo (01 79) 7 97 13 35 abo pisomnje přez fax (0 89) 31 83 65 93. Nimo toho prosy wona wo to, tutón termin dale sprosředkować, zo by jón prawje wjele w Bayerskej bydlych Serbow zhonilo.